

Savjetovanje ribarskih naučno-istraživačkih ustanova FNRJ

Od 29. maja do 1. juna ove godine održano je savjetovanje predstavnika ribarske naučno-istraživačke službe FNRJ u Beogradu pod predsjedništvom prof. dr. Siniše Stankovića.

U posljednje vrijeme, pored Instituta za slatkovodno ribarstvo u Zagrebu koji radi pod raznim vidom nekoliko decenija, osnovane su u svim narodnim republikama, izuzev NR Slovenije, ustanove (instituti, zavodi i stanice) sa zadatkom da kroz vlastiti naučno-istraživački rad, kao i na osnovu rezultata koje su postigle druge naučno-istraživačke ustanove u zemlji i inostranstvu rade sistematski na unapređenju ribarstva kao privredne grane svoje narodne republike.

Budući da su mnogi problemi koji zadiru u unapređenje ribarstva zajednički svim narodnim republikama, a što je glavno ribolovne vode često povezuju međusobno narodne republike čineći jedinstvena ribolovna područja bez obzira na postojeće administrativne granice, nametnula se potreba da dođe do savjetovanja predstavnika ustanova čiji rad treba da se odrazi neposredno na unapređenju proizvodnje, odnosno na ostvarenju perspektivnog plana razvijanja slatkovodnog ribarstva.

Tendenca svih predstavnika bila je da dođe do pravilne koordinacije međusobnog rada svih ustanova, ispodravljanja u kadrovima, naučnim pomagalcima, literaturi i dr. Što se tiče planova rada pokazalo se prilično slabosti u preširokom obuhvaćanju problematike, ali ujedno i spremnosti da se oni kanalisu tako da se mnoga teoretska i fundamentalna ispitivanja koncentrišu kod onih ustanova koje zato imaju najbolje uslove. Na osnovu toga navedenoj ustanove u narodnim republikama razvijale bi svoju aktivnost u proučavanju i rješavanju onih problema koji su specifični za pojedine oblasti i ribolovna područja, i imaju praktičan značaj za intenzivnije razvijanje ribarstva kao priročno zapuštene grane narodne privrede.

Prof. dr. Siniša Stanković u svom opširnom izlaganju osvrnuo se na sadašnje stanje slatkovodnog ribarstva istaknuvši stihijnost u iskorištavanju ribo-

lovnih voda i uopće razvitička te privredne grane, te hitnu potrebu da se to kanališe pravilnim tokom kako to zahtjevaju naši opće narodni interesi da bi se prebrodila ta teška zaostalost i zakročilo brže k naprednom i savremenom gospodarenju na ogromnoj mreži naših velikih i manjih rijeka s prioritima, velikih jezera i ribnjačkih ekonomija.

Nakon iznesenih izvještaja, referata i diskusije postavljeni su slijedeći problemi na kojima bi trebale sve ustanove sistematski raditi i povezivati se u svom radu, a koji su bili na savjetovanju rezimirani:

1. INVENTARIZACIJA NAŠIH VODA

Kao očiti odraz naše zaostalosti jest činjenica da mi nemamo još provedenu osnovnu inventarizaciju ribolovnih voda. Mi treba da imamo kao bazu svakom radu i poduzimanju pregled svih naših ribolovnih voda sa njihovim osnovnim ribarsko-biološkim karakteristikama. Sve ustanove u pojedinim narodnim republikama trebale bi pristupiti tome poslu izgrađujući postepeno ribarsku kartu, koja bi sadržala sve rezimirane osnovne podatke o svakoj ribolovnoj vodi.

2. SASTAV I ANALIZA RIBLJIH NASELJA

Da bi se imao pregled stanja pojedinih voda u pogledu njihove sadašnje proizvodnje riba u kvantitativnom i kvalitativnom pogledu, potrebno je da se upoznaju njihova riblja naselja. To se vrši tako da se sistematski obrađuju karakteristični profili i tako obuhvati čitav tok jedne vode. Kod tog ispitivanja je potrebna suradnja pojedinih stručnjaka. U tom smislu se započelo istraživanje rijeke Save koje vrši Ogledna stanica za ribarstvo NR Srbije.

3. PROUČAVANJE POJEDINIH VRSTA RIBA

Osnova svakog racionalnog gospodarenja, pa i ribarskog, jeste dobro poznavanje samog objekta na koji je usmjeren to gospodarenje, a to su ribe. Potrebno je da ispitamo pojedine ekonomski važnije vrste riba detaljno sa ekološkog i ekonomskog gleda.

